

potui. Iam vitiose si feci et intempestiue, mihi nunc volo ignosci,  
alias me, ad id, quod facere potero, detrudi patiar.

### §. III.

Lusatia haec nostra, quamquam habet, quod sibi te tot tantisque viris gratuletur, qui in illustrandis colligendisque eius prouinciae rebus et monumentis sint quam diligentissime versati: tamen qui diplomata et documenta publica in corpora congregarent, nacta est vix paucos, qui Ludewigiano consilio tractaret, et ad communem patriae utilitatem referret, adhuc reperit neminem. Quod nec inopiae eiusmodi diplomatum, nec siccitati, ut ita dicam, et leuitati, sed nescio cui fato, reipublicae satis molesto, condonandum puto. Nam in his ipsis incendiis turbisque, quibus prouincia nostra toties dilacerata est atque diruta, breui tempore, modo libera detur colligendi edendique potestas, aliquot millia me spondeo fereque in me recipi tabularum publicarum esse submistraturum. Quae quantum historiae iurique patrio sint lumen praelatura, sponte sua intellexerit, quisquis et his paucis, in publicum datis, bene yti norit. Quicquid vero fuerit causae ad praetermittendam eius generis domesticam et ciuilem diligentiam: multo tamen inde difficilius esse patet, iuueni praesertim, certam habere, si vnumquam potest, atque exploratam reipublicae ab initio ad hunc usque diem deriuatam formulam, rationem, mutationes, conversionesque, iuris etiam legumque fundamenta, accessiones, antiquitatem et nouitatem. Age igitur, et quoniam retinet nos in hoc studio TVVM, Pater Optime, iudicium, in tabulas publicas Lusatiae earumque collectiones paullo studiosius inquiramus, sed puerorum more ab elementis rem repetamus, vt

b) oder: Verzeichnis derer Urkunden der Historie von Obersachsen, darinnen Kayserliche, Chur- und Fürstliche, und andre Schenkungen, Privi-

legia, auch das Reich, Stiffter, Klöster, Universitäten, dem Adel, Städte und Dörffer angehende Documenten, Chursachsen, Meissen, Thüringen, Lausitz,